

重修西寧縣志序



古帝王南面而治天



下自畿甸至於海隅

罔不率俾故成周之

治始於一南邵子亦
曰天下將治則風氣
自北而南此固明堂
之上所凝旒端視者

也粵稽陶唐命治曆
之官宅於南交與陽
谷幽都同被聲教是
曷可以荒遠外之然

嶺表山川不載禹貢
者以其地山多而水
分入海也便固無事
疏鑿耳自殷以來中

原屢有水患而蒼梧
湟水晏然豈禹功顧
無益哉地勢然也或
言粵中徭獞雜處民

俗粗獷不可以鄒魯
之治治之彼吳楚之
地分野同粵今且爲
文獻之數矣賈生有

言曰使百姓回心而
嚮道類非俗吏之所
能爲也昔韓退之爲
潮州刺史聘趙德教

其民而文行興起周
茂叔提刑韶陽以洗
冤澤物爲已任民德
之於是鉅公繼起文

章理學經濟視昔加
盛焉今特因

定鼎之初歸附稍後復爲
廢藩所久駐若唐之

河朔淮蔡狃於藩鎮
之俗耳僭逆旣平民
乃得爲

朝廷赤子也况瀧州一隅

自明季始隸版圖其
待澤尤甚今天下蕩

平

命郡國各以圖籍獻

闕下彙修一統志以昭一

道同風之盛西寧令

張君婁涿以名進士

出宰茲土爰取舊志

加輯焉其志土俗則

太師陳詩之義也志

疆界則辨方正位體

國經野之義也志城

郭溝池山林川澤則
掌固司險之職志道
里則合方懷方之職
也由是見肥磽則知

勞佚見險易則知馴
頑見都鄙小大生聚
衆寡土田之墾闢與
否而所以養之教之

者可知也史稱董仲
舒兒寬以經學潤飾
吏事况圖籍尤爲政
先務哉古之治民者

循行四境相其原隰
流泉教之樹畜其視
民若父之於子不能
者教之而戒其不率

教者用能民氣和樂
以襄太平今士大夫
之於民稍疎矣卽按
籍而知之固不如目

觀也乃并此以具文
視之烏乎可如張君
者足以風矣吾聞之
先正曰志不載戶口

以由上所養不載風
化以由上所教也

皇上帝身致昇平愛養元元蠲

租之

詔屢下又頒

上諭十六條俾風移俗易

以登上理天下之郡

縣咸治而唐虞三代

之盛可再見也今海
外尚入版圖况兩粵
在南交之內為陶唐
舊壤也哉

肯

康熙二十六年仲春上

丁日對同僉事前封

賜進士出身奉政大夫廣

東分巡肇高廉羅道

按察使司僉事前提

督四川通省學政江

左孫允恭謨



重修西寧縣志序

邑之有志所以志山川土田
風教人材以暨災祥事故也
寧邑之志修於大梁張公諱
溶者距今近三十年有前此

序文
荆榛成叢爲豺狼賊盜所踞
而今開闢成坦途者有昔日
爲橫流急湍所崩陷而今漸
積沙成沃壤者數十年來山
川土田亦幾變矣當日經離

亂未久風氣初開規模尚未
大備至今日而冠婚喪祭奠
饗以及酬酢往來皆郁郁乎
有彬彬雅之觀舊制科歲試嘗
借材于鄰封本邑學校虛無

序文
二

人至目下七百里內英俊崛起本籍之材美不勝收余嘗夜月散步郊外聞讀書之聲隱隱徹夜不斷丁酉科先着鞭者二人將來更未可量而

且閨閣中以節烈稱者亦不簡乏人豈非風教人材一大變也哉總之寧邑士民醇謹與他邑澆漓者逕庭而歷來蒞茲土者率多廉靜能恤其下

以故風氣日趨于上而妖厲
不貞吉之事罕覩余癸巳仲

春月

簡命治寧歷覽風土訪諸父老
與舊志互相考訂往往缺畧

不完久欲重加纂修傳世行
後造歲大饑余日夕經營米
穀以救災黎無暇及此及後
歲登民樂其業而萑苻之根
株未絕時厯余憂嘗跋涉于

高山峻嶺瘴雨蠻烟之地未
得休息亦無暇及此近幸內
輯外寧物阜時瑞因思寧邑
舊志急宜纂修爰進紳士倪
子潤泉金子印侯岑子信調

羅子徙南等公同考訂開局
于丁酉之季冬至戊戌四月
而邑志告成余適叨
恩行取有北上之役亟付棗梨

聖天以完厥典今

聖天子命詞臣修一統志所載薄
恩海內外人物咸登熙皞而寧
屬荒陬小邑且遠在嶺外亦
得與中州黎庶共沐堯天舜
日之化余展讀之不禁喜動

顏色焉雖然猶有憾甲午歲
余鄉試房師康公今陞刑科
給事中者來遊于寧余隨行
登眺儒學之尊經閣謂余曰
學前吳峯稍陷建一堦補之

人文可蔚起余謹記于衷不
惜多方拮据以竣其工不期
塤及七級而崩氣數使然歟
抑人事之不臧歟設此塤落
成編入志內不偉然一大觀

哉善始者不必善終善作者
不必善成是有望于繼起者
完余志之未逮也

康熙五十有七年歲次戊戌仲

東夏之吉

賜進士出身文林郎廣東羅定州

知西寧縣事奉

旨行取李玉鉉但山氏謨

李鉉印

但山

西寧縣志目錄

圖考卷之首

頁縣境

縣城

縣治

學宮

城守署

都城司

懷鄉司

封門所

函口所

夜護營

各營堡

輿地志第一

分野

沿革

疆域

都里

山川

氣候

風俗

歲時

形勝

物產

建置志第二

城池 縣署 學校 公署

壇廟 樓閣 祠院 公館

寺觀 坊 街巷 路

墟 舖 橋 渡

郵政 坡圳 柵門

貢賦志第三

戶口 稅畝 糧米 起運

存留 學田

禮儀志第四

國禮 邑禮 齋戒 鄉禮

官師志第五

令長 師儒 僚屬 署篆

選舉志第六

進士 舉人 恩歲貢 納貢

拔貢 武舉人

兵防志第七

兵署 歷官 兵制 營堡

馭狼 地方紀畧 附猺獞狼考

治行志第八

縣正 署知 儒學 署教諭 捕衙 署典史

都城司 署巡檢

人物志第九

鄉賢 孝節

藝文志第十

序 記 詳文 告示

藝文志第十一

序 記 跋 賦

啓

藝文志第十二

詩

重修西寧縣志姓氏

總修

李玉鉉字貢南號但山江南通州人

丙戌進士任西寧縣知縣

彙編

蔡侯度字漢長號葶園廣東順德人

歲貢任西寧縣教諭

李侯淑字雅輯號甜菴廣東新會人

歲貢任西寧縣訓導

纂輯

金光綬字印侯西寧縣廩生

較訂

傅文佩字金章西寧縣庠生

倪文瓏字潤泉西寧縣餼生

岑作梅字信調西寧縣餼生

羅大鯤字徒南西寧縣餼生

參閱 吳兆鵬字鵬上西寧縣餼生

馮 珍字昭璧西寧縣庠生

金 林字朋木西寧縣庠生

羅 清字凌秋西寧縣庠生

督梓 蔡 賓字枚之浙江山陰人吏員任

西寧縣典史

西寧縣志

圖考

記曰圖在書前言由象著若是乎圖之不可已也稽古周官輿地必有圖以知險阻掌於土訓圖必有志以知地俗掌於誦訓圖又豈易言哉寧邑北枕大江東接東安南連羅定自南而西而北則環高涼信宜封川及粵西之梧藤岑容萬山交錯盤鬱而都里分焉疆圉畫焉昔之長吏問俗觀風亦既考究為圖舊繪詳矣然而涉

西寧縣志 卷之十一
歷未前胸無成竹僅憑耳目以付繪事欲其圖之宛肖不亦難哉康熙甲子特命廷臣樞部頒諭天下選擇通曉典故賢能之員詳加繪畫余奉監司轉委謬膺其任親歷羅陽一州二邑偕二三僚佐博雅之士遍加查勘全輿在心考訂爲式旣繪圖而撰說業經達諸祕府矣嗣丙寅冬復有修志之舉再將寧邑境內山之形勢水之源流道里遠近之實數隣封疆界之接壤營堡塘汛之整飭逐一再爲按

羅考證燦若列眉并城垣之方向丈尺衙署之樓館亭軒舊建新構者易訛從信覆校而重繪之覺前圖之外謬殊多而茲圖之印合可傳矣雖然繪水不能繪其清繪月不能繪其明圖志者不能繪其所欲自效之情則是圖亦不過狀其形似耳後之覽者倘由形以入情融而通之庶乎其可矣編圖考居首

全境圖

西至廣西界八十里 西至廣西界六里 西至廣西界六里



西南至高州府信宜縣界三百六十一里 南至高州府茂名縣界三百里

西寧縣

西至廣西界六里 西至廣西界六里 西至廣西界六里



北至肇慶府封川縣界三十里 東北至肇慶府封川縣界十五里 東至東安縣界六十里

東至東安縣界六十里


城之圖




西寧縣



儒學之圖



西寧縣治之圖



都城司




上通封川廣西
倉棧等處

江岸封川界

下通羅步等處


城守府



封門所



懷鄉司



西寧縣志 卷之六 圖考

西寧縣志 卷之六 圖考

至西八十里

夜護營



函口所



右西寧縣志圖一於康熙丁未浙東趙公震陽所繪固具體而微一於康熙甲寅瑯琊王公鉞復行增繪亦有參差未合卽如圖首舊形雙牀水源自新樂思慮以達於州志內已詳言矣若圖首次行一帶乃大崗梅花營所有一圳達於文昌江不過涓滴而原圖亦註雙牀豈非圖與誌言大相背謬乎茲特去其名而小繪其水并小繪其利涉橋不與文昌下城二橋相等又新定輔錦山文昌閣在縣

山下關茲以文昌江稍移開本關畧出長而又水朝本關然後循山麓而出再以天妃廟典學書院歸到文昌橋之上將輔錦山置於書院之左註明文昌閣於其上又江口對岸華表石卽錦石其平鋪水面者乃羅經石舊註錦石謬且羅經不對水口又謬茲已核明繪正又自縣過平政橋先經武功山乃舊以平城附城而武功置遠謬又社稷壇宜近城而不宜遠馬鞍山宜尖而不宜平雲霄距大

傘太遠大傘挨逼貴子墟太近白馬山誌有
而圖無茲俱核正補繪以上皆舊志原圖舛
錯未符而遺漏者今已遍考而更繪之從此
展卷披圖凡山川形勝橋梁村堡營寨塘汛
無不瞭若指掌分而取之合而聯之觀斯圖
可以知其概矣

西寧縣志卷之一

輿地志

寧于粵爲新造荒邑北割德慶南割信宜
茂名戶口賦役計不能抵沃土之一中縣
然其幅幘故遼闊也且地當廣右咽喉襟
山帶河表裏形勝百年來所以彈壓而控
制之者蓋必有道矣夫治不擇地教不擇
民烏在叢山深崗俗頑民獷之區遂不可
與爲理乎今紀其山川列其疆域所以使

西寧縣志 卷之一
蒞茲土者觸于目而儆于心也編輿地志

第一 亦業山采尚谷應天遊之圖卷下何

分野 昔蓋必亦或夫亦不辨此卷不辨

前漢書粵地牽牛婺之分野今之蒼梧鬱林南海瓊南皆粵分晉書自南斗十二度至須七度為星紀於辰在丑吳越分野屬揚州唐書初南斗九度中南斗二十四度終女四度自韶廣以西珠崖以東為星紀之次屬揚州宋史牛宿六星三星主南越明則王道昌皇輿志羅定州星

從之 纏牛女分野禹貢揚州之南境邑屬羅定占星

沿革

廣東古百粵地至秦始通而尉佗王者五世漢元鼎中南粵平立南海等郡屬交州治蒼梧建安中徙治南海羅旁隸德慶卽南海郡地元末土人李質守德慶路明洪武元年李質歸附改路為府九年改府為州瀧水其屬縣羅旁隸焉羅旁踞東南山海間東西二山相距諸徭盤窟

其中自開闢以來未有闖其藩者明初甫能定之率用羈縻彈壓迄不能蕩平嘉靖末諸猥與狼賊黃德祥等雄踞兩山轉相冠掠萬曆三年總督殷公正茂始請大征會入爲大司農凌公雲翼繼之乃部署十道師八路並進克木彝山椎破諸巖崗五百六十有四俘斬若干拓地數百里乃改升瀧水縣爲羅定州設兵備道駐州分置東西兩縣各設兵將駐防西爲西寧縣治召民承田立籍合德慶信宜割附田糧及恢復

陸科田地共編戶二十里後增立興寧都一甲共二十一里

本朝順治三年總督佟公養甲入粵郡縣悉平署縣陳曜蒞任後總兵李成棟叛順治七年王師戡定知縣桂可培蒞任九年中軍陳良弼挾桂叛續經克復署縣龔銑知縣王承時蒞任又被西寇十一年兵到寇散縣治復平康熙元年裁羅定兵備道附嶺西道統轄六年并裁嶺西道九年復設高雷廉道駐劄高州府以羅定

州暨東西二縣并屬康熙十六年十月內復設
羅定道駐劄州城康熙二十一年吏部覆都察
院徐公旭齡疏請海宇業已昇平將復設道員
裁守歸巡裁巡歸守康熙二十二年奉裁羅定
道併入嶺西巡道改為分巡肇高廉羅道一州
二縣屬其管轄焉

疆域

東西廣一百二十里南北袤五百五十里東至
東安縣南江口北岸界六十里西至廣西岑溪

縣界六十里

舊志至蒼梧界一百二十里誤

南至高州府茂名

縣界三百里

舊志至羅定州一百六十里誤

北至肇慶府封川

縣界三十里

舊志至德慶州界三十里誤

東南至東安縣界

一百里西南至高州府信宜縣界二百六十里

東北至肇慶府封川縣界十五里西北至廣西

蒼梧縣界八十里

以上界至係康熙二十三年督糧道叅藩蔣公

伊肇高廉羅道僉憲韓公作棟肇慶府清軍海

防同知李公彥瑁廉州府清軍海防同知張公

西寧縣志 卷之一 四
輔奉

總督兩廣部院吳
巡撫廣東都察院李

憲委會同閱勘繪圖覆加

詳考核正道理遠近改通志之外謬稽現在之
確實繪入總圖并撰成圖說送 部進呈

御覽後刊刻頒行永為備考與舊志迥然不同至

於前改闢徑路自舊封門起經夜護函口抵懷
鄉巡司止二百二十餘里自縣治起至州城一
百二十里又自縣治起經下城崗逍遙抵連灘
止七十餘里又自縣東關外過文昌橋陸路十

五里至羅旁順江流東下二百四十里達肇慶
府又二百六十里達省會

都里

城外東北太平關東南阜康關南關西門圍

十三都一圖二圖統村圍三曰樓社圍練村圍

古田圍

十四都一圖三圖六圍統鄉村二十三曰丁村

西隴羅村木株神坦大豹平鄉富褥埔黃木
強金螺金密太平石頭岡社村野塘埔角脚

田息村新村河田沙塘蒲口

十五都一圖三圖四圖五圖統村圍七曰大塘

圍古寺圍古田橋亭平樂萬崗木朗圍大村

圍

太平都一圖統村圍三十九曰下城崗大林圍

大榕平村上馬寶珠新安大良沙埔井埔埔

坡埔強風流崗沙頭回平沙塘安坑文埔文

公埔馬騮塘內逕古羅神塘佛子單竹孟雲

蓮塘任灣池埔古貽格木灣玉枕山小源蘭

頂大力東坑車黎上下疊

永安都一圖統鄉村三十曰裏塞外塞石龜埔

凍金叢都降小封門上車滘埔平富慶元塘

白片下車滘陳塘高田雙豆雙埔古蓬仙人

崗逍遙蓮塘黃坭丁村黃梅柑子大榕埔鏡

上下灘

裕寧都一圖統鄉村十四曰大蒲埔鄧都局力

崗黃埔小練沙木中鮑永豐藍青全安安寧

上橋水源

西寧縣志 卷之二
嘗靜都一圖統鄉村七十二曰燈心上大傘下
大傘雲梢雲信筋竹黃九崗大崗淋南鎮崗
大塘大荒大豐沙零沙塘水尾平樂干官大
崗心朗埗榭葛雙陂金板雙龍大金高車羅
移老鴉金銅金注野鴨七埗下金廉村埗邊
譚撞抵黃沙石頭甘塘譚六沙黃譚崩車田
新慶永安六迪梅崗竹塘小崗灣崗朝嶺高
樓夜護兩村桑圓雲龍山葵嶺雙堯田芋白
竹芥菜塘上思慮合水山心新安新樂太平

河又甘灘天秉埗便河旭

保和都一圖統村鄉十九曰龍興中寨城拱大
平保安安樂金容灣大車大灣雲羅東水蓮
塘康塘大船西水大湓矮膝黎崗古周底
建康都一圖統村鄉二十一日河口張七石脚
城拱平山蕩村墟頭崗蘊水塘龍塘橋頭菴
羅上沙田下沙田榭東黎崗白片官良土貢
木栗譚義

定康都信豐都感化都從善都鎮南都十四年

改種田輕齋為民糧添設統鄉村八十七曰
龍塘路話紫薇鳳官土地直巷譚章石龜山
松羅雲青同高崗湖崗上峯黃塘廖村白龍
下峯黃壩排崗大小木欄陂辣橫水鞍馬乾
桃低陽荔枝大壩馬鞍黃糯大河滑石良畚
譚丙平地坡頭沙底黃嶺雲良暖水暗羅橋
頭河洛岡凹大岡榭荒平田崩侯雙崗木瓜
硃砂黃坭雙龍石頭大樟古了北崗南山錢
排雙底黎沙茶山楓木白石林魚扶龍廻龍

貴子七寨平花木榜萬料高卑雲賴竹雲大
塘馬櫃斗村南蛇白馬大崗石根雞卵河崗
開寧排阜雲蒼

十三都十四都十五都由德慶割焉曰舊圖定
康都信豐都感化都從善都鎮南都由茂名
信宜割焉曰新圖舊圖稅重不得入于新圖
新圖稅差輕許其入于舊圖續立興寧一都
而新圖舊圖之稅皆得入焉共二十一里其
各隸之鄉圍多已變更或廢或興或分或合

西寧縣志 卷之二
土名舉非其舊茲別新舊兩圖而所隸之村落詳列其下

新圖地方曰白石堡斗堂甲大聖堡大樟堡上下賴甲萬安堡柵葛甲南山甲石根堡中火甲安陂甲白龍堡大塘甲雙蛇堡柵章甲馬櫃堡雲罩甲牛頭合江甲思賀堡柵波甲白竹甲排埠甲茶山甲大安函口甲林崗堡洒上甲雲特崎岭甲竹雲甲都門甲懷鄉墟甲勃崗甲和那甲青雲甲錢排堡木榜甲合水

堡扶合甲甘埔甲新安堡鎮力甲金銅堡新安小甲雙龍堡內外寨逍遙客甲仙平甲雞暴甲下城崗民甲下城崗客甲官寧甲便民甲大薊甲沙寧甲上下車濬大小封門大傘堡沙平甲沙埔甲埔片甲羅子甲羅旁墟甲大灣甲水源甲黃坭

舊圖地方曰平臺地甲天池舖甲太寧圍石臺甲大材甲中田薊甲關廂民甲關廂客甲橋亭堡建新甲大薊甲薊口甲興寧狼甲興寧

民甲興寧客甲練社堡古同甲古免甲

山川

大力山在城東二十六里高六百餘丈形勢雄偉其南為下城崗

筆架山在城南四里即大力山之支高二百八十餘丈三峯卓立形如筆架為學宮案山

書案山在城東南十里高二十餘丈即雞骨嶺雞骨香產焉

文筆山在城東六里高一百餘丈孤峰峭拔故

名

輔錦山在城東三里左瞻江口對岍之錦石山若相輔翼者然故云此名係新定今建文昌閣其上

文德山在城東一里高六十餘丈峯巒秀麗為邑左輔

武功山在城西一里高二十餘丈山形雄壯為縣右弼

玉枕山在城北半里高十五丈山勢延綿宛如

玉枕為縣主山

馬鞍山在城西五里

通志作三里誤

高二百丈形如馬

鞍勢甚雄峙鞍頭一尖峯峻削挿天

白馬山在從善都距縣城西南一百九十里

舊志

作三百里誤

高二百六十丈相連有大水山雲卓

山俱係瑤人所居舊信宜割附者據志云山

上有石如馬故名其處有雷公嶺澗谷響應

如雷鳴

通志未載縣志舊載

雞暴山在嘗靜都距城西南七十五里高一

四十丈

燈心嶺在城南五十餘里高二百餘丈

舊志四

十餘丈誤嶺半有甘泉井其水甘冽

仙人崗在城南五十里

貴子嶺在函口所距城西南二百里

舊志作一百八十里誤

高一百餘丈

筓杯嶺在函口所距縣二百一十五里

舊志一百八

里誤據信宜舊志縣東二十里有龍山山南石

孔約深五丈謂之風窖山北亦有石孔其深

莫測謂之兩窖相傳有龍伏于窖今筭杯嶺南接信宜或在兩窖之北當是窖北嶺查筭字竹部無有又筭杯字無義疑訛附記于此後更訂

馬鞍嶺在感化都

舊志在定康都誤

距城西二百四十

三里

舊志一百二十里誤

亦名馬鞍山

文昌江水在城東一里源自廣西有二支經封門所車濬大溝而流入縣郊之南復旋遶東北出羅旁口會大江

武倉水在城東十里源出大力山南下城崗北

流合文昌水出會大江

桂河在城北十里源自廣西岑溪經十四都東流合文昌水出會羅旁大江

羅旁水在城東北十五里源出都城鄉七十里同縣境諸水皆匯此出大江因對岸有漢使錦石捍護水口聳映寧江邑人謂之錦水

龍池在城東北都城鄉水深二丈餘其清徹底歲旱於此禱雨

雙牀水即羅定州瀧水源發本縣大水雲卓諸

山而流入州繞州城北由南江口入江舊志載源

自新樂思慮諸山僅浮木筏而達於州者非

同氣候

縣治之地叢岡疊嶂鬱沴成嵐以故民多瘧病蓋陽燠之氣常洩陰溼之氣常盛二者相搏一日之間氣候屢變炎蒸則熱風雨即寒諺曰急脫急著勝如服藥言不時也又霜不殺稼蟲不蟄雷不收聲秋華冬實歲以為常居斯土者宜善調攝

風俗

照舊誌增訂

寧雖新設荒邑五方之民麇然雜處然山川之氣渾樸未鑿人民椎魯俗尚簡素衣服多用綿葛婦女少衣綺羅飲食粗糲器用不飾鄉人水耕火耨少事商賈其地山多田少禾稼苦於陰翳居民各就田頭採柴作貨以除農害兼資日給近因上人比照他州開採事例不時稽察差役煩擾其利漸寢而禾稼亦多不實雖有黃藤青麻薑芋等產然不能成貨惟肩挑以易鹽物

而已病不延醫好祈禳崇信巫覡亦喜灸艾併服草頭生藥至參苓劑散惟城郭間或一服之遠鄉則不用也士守章句尚氣節耻事干謁少入公門凡長吏受辭聽訟從無子衿干審重齒讓尊敬先達循循好禮風氣畧如中州姻配分良賤聘定不論財然遠鄉農人往往執紙條庚帖並未通姓名世系卽稱已經許合者輒興爭訟官禁之不能改喪葬與中州同服制悉遵家禮惟過信堪輿動稱觸犯詰告父母不必合葬

取其多占吉穴士女少燕飲絕嬉遊紡績樹藝各勤其業間亦有一事茶會者西北諸鄉近蒼梧其人性醇而能忍不喜鬪毆然頗輕生間有小忿輒服胡蔓毒草近宣明圖賴之禁亦漸止東南諸鄉近羅定其人性鷙而喜事多不馴謹近且有外縣棍徒包唆詞訟輒誘赴 上憲誣控者風氣較西北諸鄉迥然各異惟母妻死其外族不打喪不詐財差與鄰壤別耳至山獠野獍又另爲一種樹藝各物俱與人殊射生食力

等例裝春色共數十架及獅犀等戲盡鳴鑼隨之聲徹數里先出郊外候官臨魚貫前導回城閭里無貴賤少長及近村男婦盡出集通衢遮道遊觀亦治具招其親友謂之飲春酒
立春日祀芒神鞭土牛畢民爭取土牛之泥回泥其竈謂養猪畜如牛肥花匠具土牛鼓吹送縣衙
元宵自初八九起通衢每間十家或八九家高架一棚各巷及鄉村則從社前搭棚盡張綵懸

花燈或作煙樓月殿鰲山銀海之類處處宴集謂之慶燈高歌管絃或徹竟夜又有演裝各項故事及龍鳳麟獅犀象之類詣富厚家戲舞又官衙前并富厚家或放煙火花筒至十四五晚益弛禁縱民偕樂男女遊觀塞道十六晚止社日鄉有社以祀穀神城有社以祀土神均於是日合祀飲福
二月二日俗謂土地神誕日糾會斂銀置神衣火爆等詣廟醮奠

花朝或備酒饌出郊遊春

上巳亦有雅士攜樽相招臨流祓禊者

清明家插柳於門男女老少插於首具酒饌省墓或請道士醮墓各攜所親到山嚙飲亦曰踏青自此一月之內俗謂之墓門開任便往省過月則閉墓云

端陽日以角黍相餽遺門懸蒲艾小兒繫綵縷於臂仍設牲醴切蒲艾磨雄磺以薦男婦長幼各飲雄磺酒些須乃招親友享之其採藥合藥

亦多用是日

夏至或烹狗集餉謂一陰生用熱物以勝之云七月七夕雅士相宴集處子陳瓜果乞巧五鼓各取河水收藏之云可經歲不壞用作酒醋大佳故醋亦謂之七醋

七月十五日古謂中元俗謂之鬼節家家於十四或十三日剪綵楮爲衣或卷帛具葷饌預祀先祖至十五日乃用素饌祀神復薦其祖亦有合金延僧或就菴作盂蘭會設醮以祭殤鬼名

西寧縣志 卷之二
日施食祈超祖庇生云

中秋宴集啖月餅賞月管絃或兩夜不止

重陽或登高或在家俱佩萸泛菊兒童競放風
箏爲戲

九月二十九日俗謂本縣城隍誕日陰陽官暨
各鄉老各具牲醴詣廟朝賀設戲棚金鼓鬧神
爲慶

冬至祀先仍相遺角黍招飲不賀

十二月二十五日世稱竈神上天家家於二十

四晚具糕果素饌祀之是夕爆竹大震

除夕先淨掃屋宇俟各務完乃貼紅楮錢名曰
利市又貼吉語及對聯於門楣兩旁并家廟門
神土地竈神等處俱換利市吉兆一新然後祀
神薦祖其爆竹遠近膈膊之聲相聞不絕送神
已則闔門集少長歡飲曰團年有終夜圍爐而
坐者曰守歲

形勝古蹟

縣治峯巒環護前聳筆架後屏玉枕東有文德

西有武功二山對峙又有兩水夾流以達大江華表砥柱以捍水口雖融結小巧而形勝亦可觀焉

舊八景曰華表江聲文昌蘿月玉枕松風龍井
疎鐘文峯聳漢武岫晴煙甘泉天濬龍巖雙
鯉

新六景曰龍池秋月丹鼎朝霞虹橋煙靄錦石
波清雲窩落梵松閣飛濤

華表石卽錦石在羅旁水口對岸山上距縣二

十里望之如僧首俗呼和尚石高百餘丈上聳雲表下連諸山周廻四十里漢陸賈使南粵泛舟至此默禱曰我說粵而粵從當以錦裹石爲山靈報使還募人植花卉代錦故名錦石舊有陸賈祠在石之左不知建自何代至今山餘荒址字迷斷碑令人懷古可勝感慨歷故明間猺熾祀石輒成巨寇是石似先後異情矣及大征蕩平削其頂刻華表石字於其上復能制服永爲江門捍護實西寧一

勝景也

夫子井在都城鄉李熙載墓前鄉人稱爲李夫子井廣二丈深丈餘水冷冽病者飲之多愈龍井距縣五里泉味清冽上有勝景建龍井菴康熙二十六年知縣張溶構亭於其上甘泉井在燈心嶺路旁千戶劉元威因督兵開路鑿此得泉味甚甘冽乃請知縣林致禮建亭其上憩息行人酌泉解渴僉憲袁昌祚碑後亭圯知縣朱謀堡重修近又圯

喜泉井在懷鄉司城內舊載有碑闕數行近日城內無人艸木堙塞

龍池在都城鄉深二丈餘澄清徹底秋冬通潮傳有龍潛其中歲旱禱雨輒應

浮沉石在羅旁水口俗呼錦被石平鋪約二畝其上多紋圓如羅經又謂之羅經石因水口居羅經之旁是名羅旁昔傳有石鼎在江中隨波出沒乃赤松子煉丹處舊有赤松子祠云今廢此石前按名勝誌載入南江口今查

西寧縣志 卷之一
南江無石可驗照初誌改復入南

物產

穀品有白糯粘糯粳麥白豆綠豆黑豆青豆芝

麻大麥蕎麥

布品有綿布蕉布絡麻布黃麻布

菜品有芥菜白菜甕菜茄薑蒜葱韭薯芋莧蕨

苧蒿荳蔻芹蕎菜蘿蔔青笋香蕈木耳

瓜品有苦瓜黃瓜瓠瓜東瓜葫蘆西瓜番瓜香

瓜甜瓜

果品有黃皮金斗子荔枝圓眼山棗石榴青梅

甘蔗茨菇金橘柑桔橙柚桃李蘆橘香圓芭

蕉金錐榛栗梨柿楊桃猪膏子落花生人面

子萬壽果

木品有鐵力楠樟松柏杉桂槁柯椽桄漆楓

榕黎森欖鴨脚相思綿木

竹品有大頭苦竹青皮桃筋丹籬籜雞距竹

花品有蘭荷蘭月桂木犀菊花錦堂春山茶茶

藤茉莉夜合指甲朱槿瑞香海棠百日紅九

西寧縣志 卷之一
里香芙蓉

艸品有車前馬鞭冬葉葵葉萋辣艸胡蔓艸
藥品有宿砂決明陳皮益母山梔薄荷葛根香
艾枸杞何首烏紫蘇巴豆良薑斑貓使君子
香附土茯苓半夏黑白牽牛蛇牀子
鱗品有鯁鮓鯪鯉葵鯉鯽鯢黃魚時魚鮪魚鱸
魚嘉魚

介品有龜鱉螺蜆蝦穿山甲

羽品有雞鴨鵝鷓鴣山雞山鵝鳩燕鵲鶴鶉

鶉伯勞鴉鷹雀

毛品有虎豹熊豺猿猴馬牛羊豕犬鹿山馬山
豬野狸竹鼯黃麋又猿之異者曰烏猿難捕
而未易馴今并不可得

蟲品有蝻蛇田雞蜜蜂蜈蚣蟾蜍蝴蝶螳螂蚱
蜢蠶蟋蟀

鐵冶三座舊廣豐鑪康熙八年起十三年廢
中伙鑪康熙七年起一長順鑪康熙二十二
年起俱現在輸餉采鐵另旺久鑪康熙二十

三年係東安縣詳奉 憲行借移在西寧大
傘地方開采其餉仍在東安縣輸納

論曰余稽周官職方氏辨司疆域其于九
州之形勢也著其山澤川藪及其男女之
所宜五穀六畜之所宜生產動植之所宜
蓋詳哉其言之矣寧以蕞爾居省會西鄙
舊爲兩粵甌脫地山嵯踞而有之自經戡
定來其山川故在也城郭故在也版籍戶
口故在也溝塍阡陌天喬飛走之物故在

也考而定之列如指掌遠可以補職方氏
之缺近亦可以廣皇輿志之所未逮粲粲
乎略備矣若夫辨險要以明職守陳風謠
以達民情盡擘畫以悉時艱則存乎其人
哉

以數尺而盡學畫以悉神機限亦平其人
乎神... 刺風... 未... 菜...

西寧縣志卷之二

建置志

昔周禮亡而漢儒以考工補冬官之缺蓋
甚重乎建置哉若夫以設險則有城有池
以蒞治則有衙有署以崇禮教則有學宮
以勤民事則有溝洫而且橋也渡也墟也
市也坊也表也其宜修而不修宜起而未
起者入邑而觀風則其政之治忽可一望
以決管子曰事先大功政自小始旨哉其

言之矣今之人以一官爲傳舍祇唯民力
重用是口實致令百務不舉器具窳惰恐
董子之治晉陽不若是其藏治于民也善
爲治者本末具而人慶阜成夫豈無術與
編建置志第二

城池

縣城南向萬曆五年知縣朱寬築依山形以築
畧帶東南向高連雉堞一丈九尺厚一丈周
三百六十二丈舊志作三百八十三丈誤城門三東曰東

門南曰南門西曰西門北近山堙焉東南因
塘爲濠西北近山無各建層樓東月城一座
周八丈九尺窩舖二十二間雉堞八百四十
七兵馬司六拐角樓三北醮樓一迨十一年
崩圯知縣吳道遠修復萬曆十四年潦浸傾
頽一百九十三丈三尺知縣林致禮州判李
學詩修葺崇禎十一年知縣朱謀堡增作三
門甕城康熙六年知縣趙震陽同城守繳應
善捐資修復東西二門城樓周城樓舖比前

增飭康熙九年東城樓燬于火知縣王鉞修復并西門樓南門樓重加補葺嗣因偽變逆陷偽縣蒞任恢復以後委員署令率未暇加修遂致頽圯康熙貳拾叁年知縣張溶重修復舊

縣署

萬曆五年知縣朱寬建正堂一座三間東為贊政廳西為儀仗庫又西為主簿衙又東為縣丞衙典史衙後為川堂後堂正衙三間庫房

一間左右廂房九間正堂兩廊卷房十四間前為戒石亭為儀門儀門外左為土地祠右為獄房又前為大門上有鼓樓門外有申明旌善二亭萬曆九年奉明文裁革縣丞將縣丞衙改作主簿衙主簿衙改作典史衙典史衙改為叅將衙宇書房低矮吏廨傾頽萬曆十七年知縣林致禮申允建造順治十八年知縣李翼鵬創建後樓名柔能樓康熙八年二堂以年久頽圯知縣王鉞捐資修復卽

畏堂并大門儀門俱加修葺復故康熙二十三年知縣張溶於柔能樓東之左偏掃闢漆蕪得隙地建觴詠軒雖斗室一廛而庭中欄外花竹敷榮藤蘿縈罥軒後建更樓一座以備往外瞭望及中宵傳柝聲應之所軒之左垣外曰山響亭亭四面列牖嵐光霞氣竹翠榕陰宛在几案間亭之左曰樹滋堂凡三間負東北隅之牆垣前爲清芬堂仍舊無更但於堂之庭左右添置兩廂又兩廂之前建拂

雲書屋尋圯知縣王錕重建改爲內照堂前鑿方池覆以陰橋橋外構可亭亭外又構環翠軒其山響亭移在射圃之後

吏書房在大堂前月臺之左右年久坍塌居半康熙二十三年知縣張溶重修東廊爲吏東司戶典禮承發冊房西廊爲招庫兵刑工房典史衙署在縣堂右康熙二十四年知縣張溶重建三進三間

旌善亭申明亭在頭門外左右年久民佔爲居

西寧縣志 卷之二 四
康熙二十六年知縣張溶清理建復

學校

先師廟在縣治右中爲正殿左右爲兩廡前爲戟門又前爲櫺星門外爲雲路門左爲名宦祠右爲鄉賢祠順治十六年兩廡兩門壞爛知縣李翼鵬修復康熙二十三年殿祠俱壞知縣張溶重葺其雲路久廢康熙二十五年知縣張溶開復

啓聖公祠原在廟右康熙元年知縣李翼鵬教

諭譚圓策改造于廟左

明倫堂一座三間在文廟後東西廊齊房共十間順治十六年圯知縣趙震陽同訓導鍾光斗修復又圯知縣冉德教諭蔡侯度修復尊經閣在明倫堂後康熙四十七年知縣史筆捐俸鼎建

教諭衙在明倫堂左訓導衙在堂右萬曆十九年設尋圯知縣冉德教諭蔡侯度訓導朱衣鼎新重建

櫺星門康熙十年訓導陳起元捐貲修復

社學一在南門內右一在西門內右一在東門外右知縣林致禮修建一在葵嶺千戶劉元威呈立教訓獐童俱年久無存康熙二十二年知縣張溶條議建復自甲子年爲始每歲各延生儒爲社師捐給修脯教訓民間子弟

公署

分司行署在南門內今圯康熙三十九年知縣冉德建復大堂一座頭門一座後堂一座以

爲上憲巡行公署就於大堂兩廂建倉四間捐貲積穀立法生息以備水旱賑濟

都城巡檢司署在縣西北距縣四十里成化六年建萬曆十五年重修

懷鄉巡檢司署萬曆十七年奉文設衙門一座於掘崗驛同城共守今廢

預備倉在城內城守衙左知縣趙震陽捐貲重修

壇廟

山川壇在城東

社稷壇在城西

厲壇在城北

城隍廟在城西門內

北帝廟一在北城上一在南門外

關帝廟一在城東門內一在教場左康熙六年

城守繳應善捐資重修

天妃廟在東門外

華光廟在城南門內

盤古廟在城南一里今圮

龍母廟在城南

藥王廟在城東外知縣王錕新建

樓閣

鐘樓在縣前十字街今圮

太公閣在城守署前順治十二年建康熙四年

繳應善重修今圮

文昌閣在城東三里輔錦山上前知縣王鉞相

地構造功將半以逆藩倡亂而止康熙二十

四年知縣張溶因其舊址重構閣一座三層高三丈八尺上一層敬立魁星像中二層虔奉文昌帝君神像兩旁又建廂房一十四間以翼護之左為東廳賓客遊息於此右為梵宇供奉世尊諸佛像其牆外繞植竹樹俾暢茂陰森可愛復置田供祀

龐公祠在城內東北隅萬曆二十一年庠生倫在孝等同建

遺愛祠在城東三里萬曆辛亥年建

典學書院在東門外崇禎九年知縣謝天申建尋圯康熙五十七年知縣李玉鉉修復旁增建節烈祠舉鄧氏入享

法隆院... 興學書院... 天申載

公館

羅旁水口車涪大傘變夷嶺六迪扶合俱萬曆
年建俱圯順治十八年知縣李翼鵬建大封
門公館又建羅旁公館

寺觀

長春寺在城東

華嚴寺在懷鄉城外

龍華菴在城西三里

天池菴在馬了儒學地

西竺菴在城西四里

東華菴在連灘

龍井菴在城北三里

寶蓮菴在力崗

進士坊崇禎七年巡按廣東監察御史葉召顯

知縣謝天申為進士岑之豹建

街巷

西邑新創街道未修遇雨即苦泥濘署縣德慶

州州判宣涇捐贖罰銀兩買磚修砌

縣前東街西街南街十字街雄鎮街忠愛街武

功街打鐵街城脚街

路

自羅旁口起至羅定東營止計一萬三千二百

四十丈又自黃五口起至六迪分水止計三

千八百丈闊一丈二尺兩邊林木砍伐闊三

十餘丈搭架橋梁八十五渡又自夜護城抵

州亞婆灘止計八千零二十六丈又自蘆荻

埔至夜護城止計四千一百五十丈又自夜

護城起至鎮安寨止計六千九百二十丈橫

闊一丈二尺兩邊林木砍伐三十餘丈搭架

橋梁一百四十三處羅定道陳公文衡命知

縣林致禮開闢分督千戶劉元威把總許應明

墟

羅旁口墟距縣二十里枕大江初設埠舖兵毀之後知縣李翼鵬創立康熙八年十一年兩經火燬知縣王鉞兩捐助修復

建隆墟在都城距縣五十里枕大江康熙十二年知縣王鉞招民創立
貴墟在縣西距城十里

思慮榭崩墟在常靜都

西門墟鎮安墟牛墟俱在函口

興隆墟偶然墟在懷鄉

永安墟安鵝墟俱在感化都

白石墟在從善都

連灘墟在建康都

舖

縣前舖小封門舖大傘舖

近例往來公文俱着塘兵傳遞

橋

文昌橋東門外一里萬曆四年建造後潦水衝卸知縣林致禮修復尋被火改于天妃廟前又圯萬曆辛亥年知縣蘇至卿捐俸一年倡義砌石康熙庚戌年知縣王鉞查蘇祠田租改爲陰橋大利形家云續因年久橋之樑柱欄板桁桷俱朽腐康熙癸亥年冬知縣張溶重建丙寅冬又增修

回龍橋東門外半里

廣濟橋在縣東扶獨村距城十里

太平橋距縣十六里地名下城崗萬曆十九年潦水衝卸傳有異跡行人病涉順治十六年知縣曹鍾浩捐俸一百兩砌石

平政橋南門外一里康熙五年知縣趙震陽捐俸二十兩砌石用大木成輿梁尋圯康熙十二年知縣王鉞捐俸倡義議砌石如文昌橋而難其匠值又聞堪輿家謂天關宜開故止之轉議買田置渡爲往來永便云

接龍橋西門外半里

西寧縣志 卷之二
利涉橋東門外大崗水口距城五里

吳公橋在都城知縣吳道遠建

渡

肇慶渡德慶渡都城渡佛山渡

郵政

養濟院在城北土名文埔

義塚在養濟院之旁約四畝有奇

陂圳

東圳西圳俱附城知縣林致禮開築灌田利民

闔邑至今賴之

風流崗陂在城南一里

第一步水陂在城南二里

衝竹陂在城南一十五里

車滂陂在城南二十五里

百家庄陂在城東一百里

石頭岡陂在城西十五里

河田陂在城西十三里

西岸陂在城西十里

西寧縣志 卷之二
息村陂在城西十里

木朗陂在十五都

鎮康陂在都城鄉十五都

論曰甚矣建置之難也國無政則民軼國多政則民疲軼與疲均弊也酌而劑之其猶在時宜哉鄴侯治家尚儉嗇而爲國建未央宮不嫌壯麗且曰今後世無以加有旨哉夫其奢也所以爲儉也其勞也所以爲逸也所爲乘朝氣而用之者也故莫善

乎其因也因也者舍已而以物爲法者也感而後應非所設也緣理而動非所取也寧邑地小民瘠而城郭而衙署而學宮而坊表而陂塘而津梁道路有一不具不可以爲邑前之人旣已乘朝氣而畧備矣踵其後者缺則補之壞則葺之以無使亟弊庶其有賴乎不得已而有所營建則因乎自然而無以已與焉物豈有病之者哉是亦家事視國之意也

自然而無以已興焉嗚呼豈亦天之不貸乎
 無其有餘乎不特已而首州營表俱因乎
 其勞首矣則商之數則甚久以無勢運變
 以然邑前之人則已乘陳陳而畧爾矣則
 此表而則數而事聚直則首一不具不何
 寧也此小矣然而其博而商器而學宮而
 忽而文獻其規始也然則而應表則其也
 平其因也因而也而以及而為也其也

西寧縣志卷之三

貢賦志

沃土民逸瘠土民勞寧因山農瘠土也民
 盡力於南畝風雨耗十之三鼠雀耗十之
 三其餘能幾何忍復盡之無藝上供也今
 令甲炳日星矣由單款日雖窮谷溪谿咸可
 共喻顧法不虛立存乎其人若以長吏之
 美意與

朝廷之良法相副而行山民其有瘳乎編貢賦

志第三

戶口

人戶貳千零陸戶男婦丁口并稅丁田丁共柒千陸百玖拾肆丁口貳分伍釐壹毫內割附德慶州男婦叁千伍百肆拾壹丁口割附稅丁以官學民僧道稅每伍拾畝派丁壹丁共壹千貳百肆拾壹丁捌分柒釐叁毫萬曆肆拾肆年叁月內奉兩院題允水災低窪田地准改農桑輕減米銀于另項陞科丁

米派補應除稅丁壹拾伍丁零肆釐捌毫尚實丁壹千貳百貳拾陸丁捌分貳釐伍毫恢復陞科民田每伍拾畝派丁壹丁共貳千玖百壹拾壹丁叁分柒釐捌毫萬曆肆拾肆年叁月內奉兩院題允水災低窪田地准改農桑輕減米銀于另項陞科田丁糧米派補應除田丁肆拾貳丁叁分柒釐捌毫又收另項陞科田丁肆拾叁丁貳分柒釐叁毫奏併糧米派補新改農桑輕減銀數其實田丁貳千

西寧縣志卷之三
二
玖百壹拾貳丁貳分柒釐叁毫實田丁陸千
又另一項陞科清墾并康熙六年屆新增清墾
陞科田丁壹千叁百叁拾陸丁柒分陸釐零
伍絲自康熙陸年屆至貳拾伍年各屆歷來
編審俱照此數並無增減
百稅畝壹分叁釐肆忽內
原額官學民僧道恢復陞科民墮夏農田地山
塘灣等項共稅貳千柒百肆拾柒頃玖拾壹
畝叁分壹釐壹毫內題允崩陷稅壹拾頃零

叁拾陸畝壹分柒釐壹毫叁絲陸忽今實稅
貳千柒百叁拾柒頃伍拾伍畝壹分叁釐玖
毫陸絲肆忽內

割附德慶州官學民僧道夏農田地山塘灣
原額稅陸百貳拾頃零玖拾叁畝陸分伍釐
壹毫內除題允崩陷稅柒拾壹畝今實稅陸
百貳拾頃零貳拾貳畝陸分伍釐壹毫

恢復陞科民墮夏農田地山塘原額稅壹千
肆百肆拾頃零壹拾柒畝陸分玖釐肆毫貳

西寧縣志 卷之三
絲玖忽玖微貳纖續陞科共至貳千壹百貳拾陸頃玖拾柒畝陸分陸釐內題允崩陷稅玖頃陸拾伍畝壹分柒釐壹毫叁絲陸忽今尚實稅貳千壹百壹拾柒頃叁拾貳畝肆分捌釐捌毫陸絲肆忽
又另一項新墾至康熙陸年起科止共陞科民農稅壹百叁拾捌頃玖拾捌畝捌分叁釐叁毫捌絲叁忽
計米
糧米

通縣官學民僧道恢復陞科民夏農米壹萬零肆百肆拾柒石捌斗陸升零玖勺內題允崩陷米叁拾陸石伍斗陸升玖合陸勺尚實米壹萬零肆百壹拾壹石貳斗玖升壹合叁勺內
割附官米原額捌拾伍石壹斗肆升玖合伍勺今全書會計米捌拾伍石壹斗玖升叁合貳勺
學米原額貳百貳拾玖石叁斗陸升陸合陸

四
今全書會計米貳百貳拾捌石柒斗壹升
陸合陸勺

民米原額貳千零貳拾捌石叁斗肆升零玖
勺陸抄今全書會計米貳千零貳拾玖石壹
斗肆升貳合貳勺萬曆肆拾肆年叁月內題
允將水災低窪田地准改農桑米貳拾叁石
伍斗柒升叁合壹勺以另項陞科米派補尚
米貳千零伍石伍斗陸升玖合壹勺內除崩
陷米貳石肆斗壹升柒合捌勺今實米貳千

零叁石壹斗伍升壹合叁勺

曾米原額陸拾捌石零肆升柒合貳勺肆抄
今全書會計米陸拾捌石叁斗陸升肆合捌
勺萬曆肆拾肆年叁月內題允將水災低窪
田地准改農桑米肆石伍斗叁升壹合柒勺
以另項陞科米派補今實米陸拾叁石捌斗
叁升叁合壹勺

道米壹拾捌石壹斗叁升捌合玖勺
夏稅米壹石叁斗伍升零捌勺

農桑米肆斗

低荒議允題改農桑米貳拾捌石壹斗零肆

合捌勺

恢復陞科民米原額伍千柒百叁拾柒石壹斗貳升陸合叁勺零貳撮捌圭貳粟肆粒今全書會計米伍千柒百伍拾石零貳斗玖升壹合陸勺萬曆肆拾肆年叁月內題允將水災低荒田地准改農桑米捌拾石零肆斗叁升零捌勺以另項陞科米派補尚米伍千陸

百陸拾玖石捌斗陸升零捌勺又收另項陞

科米陸拾肆石玖斗零玖合玖勺派補各項

減折銀數共米伍千柒百叁拾肆石柒斗柒

升零柒勺內除崩陷米玖拾肆石壹斗伍升

壹合捌勺今實共米伍千柒百石零陸斗壹

升捌合玖勺

輕齋種米改爲民米貳百壹拾捌石玖斗捌

升陸合壹勺

低荒原勘改農桑米伍拾肆石叁斗柒升零

米勺
低荒題允新改農桑米捌拾石零肆斗叁升
零捌勺
續墜科民農夏米壹千玖百陸拾玖石伍斗
伍升肆合玖勺又全書原報墜墜共至壹千
玖百玖拾貳石玖斗零陸合萬曆肆拾肆年
叁月內詳奉題允抽民米陸拾肆石玖斗零
玖合玖勺抵補水災低窪田地准改農桑額
米輕減銀數尚實民夏農共米壹千玖百貳

拾柒石玖斗玖升陸合壹勺

又另一項新墾至康熙陸年起科止共墜科民
農米肆百壹拾陸石玖斗陸升伍合
米起運存留

歲派起運存留共銀壹萬叁千貳百貳拾柒兩
壹錢陸分遇閏加銀壹百柒拾伍兩貳錢壹
分柒釐柒毫內奉題豁崩陷稅畝無徵銀肆
拾貳兩伍錢叁分肆釐玖毫遇閏加豁銀陸
錢陸分肆釐叁毫通年於存留項內除免

一戶部項下京庫金花均一鋪墊料地畝餉本折共銀貳千叁百零貳兩叁錢捌分玖釐伍毫

一兵部項下驛傳節裁銀陸拾捌兩柒錢貳分

一工部項下司竹木翠毛料銀叁拾伍兩玖錢柒分伍釐伍毫

一舊編存留項款奉文節年裁扣裁官經費等項共解部銀玖百捌拾叁兩肆錢柒分壹釐捌毫陸絲遇閏加銀肆拾玖兩捌錢陸分伍

釐柒毫貳絲柒忽

一存留額編兵餉差壯鹽鈔均平餘剩共銀陸千壹百肆拾壹兩壹錢玖分玖釐陸毫遇閏加銀肆拾壹兩玖錢伍分玖釐貳毫

一軍器料銀貳兩柒錢陸分叁釐伍毫

一官役俸食心紅均平曆日驛傳經費共銀壹

千叁百伍拾陸兩肆錢壹分柒釐貳毫肆絲遇閏加銀捌拾叁兩叁錢玖分貳釐柒毫柒

絲叁忽

查內有貳兩貳錢零係奉司頒款冊節年裁扣不等

遇閏實加

銀捌拾壹兩零玖分貳釐捌毫叁絲叁忽查
 壹千叁百伍拾陸兩叁錢玖分貳釐柒毫柒
 絲叁忽額編總數內有驛傳銀壹百壹拾捌
 兩壹錢柒分叁釐貳毫曆日銀貳兩伍錢除
 此二項實官役俸食心紅均平經費等項共
 銀壹千貳百叁拾伍兩柒錢肆分肆釐零肆
 絲內
 康熙拾肆年因軍興裁扣克餉銀陸百柒拾
 叁兩叁錢捌分捌釐叁毫肆絲

康熙拾柒年又裁扣克餉銀肆百伍拾玖兩
 叁錢肆分

以上兩次共裁克兵餉銀壹千壹百叁拾貳
 兩柒錢貳分捌釐叁毫肆絲

尚裁存大祭官役俸食孤貧口糧共銀壹百
 零叁兩零壹分伍釐柒毫

康熙拾玖年奉文留回春秋祭及無祀鬼神
 共銀肆拾柒兩捌錢零伍釐

康熙貳拾壹年起奉

西寧縣志卷之三
恩詔復回官俸及舉人歲貢酒席盤纏會試水手共銀壹百捌拾肆兩叁錢肆分

康熙貳拾貳年復回各役工食并鄉飲酒禮共銀柒百零貳兩伍錢叁分叁釐叁毫肆絲
康熙貳拾叁年奉文留復拜牌迎春土牛等項銀捌兩伍錢

以上留支連康熙拾玖年貳拾壹年貳拾貳年貳拾叁年復回春秋祭祀俸食酒席盤纏會試水手拜牌迎春等項共銀壹千零肆拾

陸兩壹錢玖分肆釐零肆絲

尚裁心紅紙張馬快艸料修理監倉歲考生童科舉生員花紅果餅雜辦等項共銀壹百捌拾玖兩伍錢伍分仍未復現解克兵餉

又另一項廩生廩餼糧額編銀壹百肆拾肆兩
康熙元年奉文全裁康熙貳拾肆年奉文復回三分之一銀肆拾捌兩

一項驛傳存留銀壹百壹拾捌兩壹錢柒分叁釐貳毫內留縣支應公差使客夫馬并買補

內寧縣志 卷之三
差馬等項銀伍拾兩零伍錢捌分肆釐又協助兩靛驛支應銀壹拾貳兩陸錢肆分陸釐又協助壽康驛支應銀伍拾肆兩玖錢肆分參釐貳毫三項向未有支至康熙拾陸年止歷年俱照全額解驛傳道至康熙拾柒年以後各分一半解藩司驛道至康熙貳拾年拾貳月貳拾日欽奉

恩詔准復二分該復二銀貳拾玖兩伍錢肆分參釐參毫解司尚有傳銀捌拾壹兩陸錢貳

分玖釐玖毫解驛道康熙貳拾肆年伍月奉文將復二又行裁克兵餉仍照半裁之例該驛傳裁克餉銀伍拾玖兩零捌分陸釐陸毫驛傳存留銀伍拾玖兩零捌分陸釐陸毫俱解驛道

一陞科克餉銀貳千貳百玖拾叁兩陸錢捌分柒釐玖毫

附

一項雕填漆匠衣裝銀貳兩伍錢肆分伍釐捌

西寧縣志 卷之三
一 毫遇閏加銀貳錢壹分貳釐貳毫以通縣官
學民僧道墜科民獐夏農米均派

一 項南工匠價銀伍拾兩零捌錢伍分水脚銀
肆錢零陸釐捌毫遇閏加銀肆兩貳錢柒分
壹釐肆毫于匠役徵解

一 項稅契銀伍拾兩於業戶買受田產投納稅
契徵解康熙貳拾貳年拾貳月內奉文加增
銀伍拾兩

一 項雜稅銀肆拾貳兩貳錢於城內外官舖地

租商民承種荒山及砍木燒炭并墟舖渡餉
內徵解

一 本縣鹽引壹百伍拾叁道餉銀壹百陸拾捌
兩柒錢伍分玖釐督令商人徑赴鹽課司投
納拆引行鹽

學田

萬曆拾貳年知縣吳道遠申詳送學收管壹頃
柒拾肆畝叁分壹釐肆毫貳絲玖忽內除伍
畝拋荒無人承種止得實稅壹頃陸拾玖畝

西寧縣志 卷之三
壹分肆釐肆毫貳絲玖忽遞年納本縣色米
糧餉起解學道租銀叁拾兩零壹錢貳分

蘇祠田

知縣蘇致卿捐置山田稅共壹頃壹拾壹畝叁

分肆釐每年額納租銀陸拾兩土名大小黃
麩其坵段界址詳載圖內

一文閣田

原有祭田一號土名山猪選口

久被土人隱
匿現在行查

知縣張溶捐置祭田貳拾貳畝壹分叁釐山稅

壹拾畝土名埔腦又田壹拾玖畝伍分土名

竹圍小文埔

知縣冉德捐置祭田壹拾捌畝土名五里亭上

平村又田壹拾畝零貳分土名龐寨早禾埔

尾

燈油田

知縣李翼鵬捐置田叁拾貳畝土名



又

田伍畝土名北門外北埔

知縣趙震陽捐置田壹拾貳畝土名



又

田陸畝伍分土名下城崗埔境

教諭譚圓策捐置田捌畝土名上馬崗

義倉田

此田係冉令捐穀在倉後生息糶賣取價置受

知縣冉德捐置田壹拾玖畝伍分土名高寨長

埔又田壹拾玖畝伍分土名上車龍福盧宮

以上各田除學田係兩齊教官管理遞年起

解學租銀兩其蘇祠文閣燈油義倉等田向

來司理不專每多耗費康熙五十七年知縣

李玉鉉查明統撥歸義倉值年生員里排收

其租項隨時變價除納正供糧米及辦理祭

祀外餘俱經紳士當眾登記包封交與至誠

殷實首事衿里存貯如遇修整文閣文橋義

倉等處照數開支列冊公算餘仍備賑

知縣謝天申捐置典學書院田柒畝伍分土名

興寧堡太平埔尾盧崎塘

香燈田

長春寺田肆拾肆畝土名大傘都伽埔坡車龍

城隍廟田拾畝柒分土名野鬼埔萬曆叁拾捌

西寧縣志 卷之三
年劉祖應施入又土名峽上獨洲田壹拾畝
薛西龍施入

西竺菴山田共稅捌拾肆畝壹分土名大臘等處

龍華菴山田共稅陸拾玖畝土名都伽峽上粟子等處

龍井菴山田共稅伍拾肆土名興堡等處

天池菴田

東華菴田

寶蓮菴三菴田稅載在鎮南都十甲僧性欽戶

城隍廟十王香燈稅田壹頃壹拾玖畝伍分柒

釐貳毫土名小封門赤水口蕉逕等處柒拾

沙洲等處四畝伍分馬鞍山埔竹尾壹拾貳

畝南口高寨長埔後白埔壹拾畝零伍分十

四都平鄉石板望來伍畝柒分平鄉神塘地

高屋脚替埔遼造木衣替黎壹拾叁畝以上

通撈在興寧二甲

天后宮田塘貳拾玖畝伍分四釐叁毫土名埔

強廟前等處在太平都十甲龐俊戶內輸納

藥王廟田玖畝伍分土名大兩埔鄧等處在尹

康熙二十五年重刊賦役簡明全書奉

戶部頒行總數附後

一官民田地山塘

原額田地山塘灣共稅貳千柒百肆拾柒

項玖拾壹玖叁分壹釐壹毫各徵不

等共徵折色銀玖千陸百兩零貳錢

柒分柒釐叁毫遇閏加銀壹百叁拾

玖毫又扣回員役優免米銀壹拾捌

兩肆錢貳分玖釐肆毫內於清丈久

奉明綸

等事案內題准蠲豁荒本折銀叁

百叁拾壹兩玖錢零伍釐閏銀伍兩

貳錢叁分伍釐玖毫續於康熙元年

墾復至肆年分照數起徵訖尚有原

題荒陷無徵本折銀肆拾貳兩伍錢叁

分肆釐玖毫閏銀陸錢陸分肆釐叁

毫遇有墾復實徵連墾復共銀玖千

伍百柒拾陸兩壹錢柒分壹釐捌毫

遇閏加銀壹百叁拾

一戶口人丁

原額戶口男婦并稅丁田丁共柒千陸百

玖拾肆丁口貳分伍釐壹毫各徵不

等共徵銀壹千叁百叁拾叁兩壹錢

玖分肆釐捌毫遇閏加銀叁拾伍兩

又原未入全書新增田丁壹百伍拾伍丁

捌釐叁毫伍絲銀肆拾柒兩貳錢玖

分叁釐陸毫肆絲叁忽捌微貳僉陸

沙遇閏加銀壹兩壹錢叁分肆釐

以上地丁共實徵銀壹萬零玖百伍拾陸兩

陸錢陸分零貳毫肆絲叁忽捌微貳

僉陸沙遇閏加銀壹百柒拾伍兩陸

徵捌僉內
陸沙

一本折起運

戶部項下京庫金花均一鋪墊料地畝餉

本折共銀貳千叁百零貳兩叁錢捌

分玖釐伍毫內均一鋪墊本色料銀

貳拾伍兩零伍分叁釐伍毫金花均

一料地畝餉折色銀貳千貳百柒拾

柒兩叁錢叁分陸釐

員役優免米銀壹拾捌兩肆錢貳分玖釐

兵部項下驛傳節裁銀陸拾捌兩柒錢貳

分正

工部項下四司竹木翠毛料銀叁拾伍兩

玖錢柒分伍釐伍毫

舊編存留款項奉文節年裁扣修宅傘扇

薪蔬各役工食行香喂馬草料廩膳

下程 覲費科舉花紅果餅鄉飲桃

符等項共解 部銀柒百伍拾陸兩

叁錢伍分壹釐捌毫陸絲

遇閏加銀叁拾叁兩

貳錢叁分玖釐零陸絲柒忽

裁官羅定道門皂轎傘扇夫縣學教諭官

役俸食經費解 部銀貳百貳拾柒

兩壹錢貳分

遇閏加銀壹拾捌兩玖錢貳分陸釐陸毫

以上共起運銀叁千肆百零捌兩玖錢捌分

陸釐貳毫陸絲

遇閏加銀伍拾貳兩壹錢陸分伍釐陸毫

陸絲柒忽

一存留

額編兵餉差壯鹽鈔均平餘剩共銀陸千

壹百肆拾壹兩壹錢玖分玖釐陸毫

遇閏加銀肆拾壹兩
貳錢玖分肆釐玖毫

軍器料銀貳兩柒錢陸分叁釐伍毫

驛傳銀壹百壹拾捌兩壹錢柒分叁釐貳

毫正

官役俸食心紅經費均平曆日等項共銀

壹千貳百叁拾捌兩貳錢肆分肆釐

零肆絲遇閏加銀捌拾壹兩零玖分貳釐捌毫叁絲叁忽又

設復羅定道衙門門皂轎傘夫工食銀壹

百叁拾捌兩遇閏加銀壹拾壹兩伍錢康熙貳拾

壹年拾壹月內奉文裁撤仍列回起

運項下理合註明

以上共存留實徵銀柒千伍百兩零叁錢捌

分零叁毫肆絲遇閏加銀壹百貳拾貳兩叁錢捌分柒釐

柒毫叁絲叁忽

另項原未入全書新增田丁銀肆拾柒兩

貳錢玖分叁釐陸毫肆絲叁忽捌微

貳僉陸沙

遇閏加銀壹兩壹錢叁分肆釐伍毫玖絲零捌微捌

僉陸沙

一額外

稅契銀伍拾兩

陞科米銀貳千貳百玖拾叁兩陸錢捌分

柴釐玖毫

雜稅銀肆拾貳兩貳錢

雕漆衣裝銀貳兩伍錢肆分伍釐捌毫

加銀貳錢壹分貳釐貳毫

遇閏

南工部匠價銀伍拾兩零捌錢伍分水脚

銀肆錢零陸釐捌毫

遇閏加銀肆兩貳錢叁分柒釐

伍毫水脚銀叁分叁釐玖毫

鹽引餉銀壹百陸拾捌兩柒錢伍分玖釐

商人赴鹽司投納

學租銀叁拾貳兩柒錢壹分玖釐捌毫

原全

書未列今准學道冊報聖合註明

以上共額外實徵銀貳千陸百肆拾壹兩壹

錢陸分玖釐叁毫

遇閏加銀肆兩肆錢捌分叁釐陸毫

內解

戶部銀伍拾兩

工部銀伍拾叁兩捌錢零貳釐陸毫

遇閏加銀

肆兩肆錢捌分叁釐陸毫

存留兵餉銀貳千伍百零肆兩陸錢肆分

陸釐玖毫

存留雜支銀叁拾貳兩柒錢壹分玖釐捌

毫

以上地丁起運存留并額外新增田丁各項

總共實徵銀壹萬叁千伍百玖拾柒

兩捌錢貳分玖釐伍毫肆絲叁忽捌

微貳僉陸沙

遇閏加銀壹百捌拾兩零壹錢柒分壹釐伍毫

玖絲零捌微捌僉陸沙 今奉

旨彙解

戶部本折正雜共銀叁千伍百壹拾貳兩

柒錢捌分捌釐捌毫陸絲

遇閏加銀伍拾陸兩

陸錢肆分玖釐貳毫陸絲柒忽

存留兵餉新增田丁共銀捌千陸百玖拾

參兩壹錢肆分零壹毫肆絲叁忽捌

微貳僉陸沙 遇閏加銀肆拾貳兩肆錢貳分玖釐肆毫玖絲

零捌微捌僉陸沙

存留各項雜支銀壹千叁百玖拾壹兩玖

錢零伍毫肆絲 遇閏加銀捌拾壹兩零玖分貳釐捌毫叁

絲叁忽

另項康熙拾伍拾柒貳拾貳年加引餉銀

叁百壹拾貳兩捌錢捌分伍釐

一件日今第一急務等事康熙拾玖年二

次酒戶李俊嘉等肆名歲納酒餉銀

肆拾兩

論曰任土作貢在下之維宜薄稅課農在

上之體隱近來長吏報政求最者首在催

科否則吏治如龔黃卓魯亦未免有倪寬

考課之殊寧邑賦額具載全書惟是往者

軍興之際司農以兵餉不敷將存留諸項

裁克軍需蕩平以後次第酌復更有於原

額增加并舊志所無及康熙丙寅新奉

西寧縣志 卷之三
戶部另頒簡明賦役全書彙入總數者茲
俱一一稽核逐條增定俾小民讀之輸將
易曉士大夫覽之按額比徵洞若觀火亦
催科之要務也

便民餘政

一舊圖八堡土瘠民貧往者軍興役重凡竹木
柴炭夫務等項槩取之於地方居民日事答
應不安耕鑿輾轉困窮迫而爲盜者什之八
九且雜差繁擾則正供多缺追呼之慘苦不
堪言胥吏利於行票便其需索每以舊例譖
之於官陋習相沿牢不可破自冉令蒞任以
來諸弊盡革繼以諸賢令歷相接踵加意優
恤除正供糧米之外一無所取行之二十餘

年八堡之民漸安生業而盜風亦息賦額皆無逋負地方大有起色

一羅旁彭灣大埔一帶枕近大江屢被水患又地居縣治孔道之衝凡大小衙門暨公差使客出入輿擔必用民夫當值甲小人稀日無寧處互相逃散錢糧缺額邇者三十年來縣令招集撫綏凡用一夫必給其值以故人烟轉集每逢墟市熙熙穰穰頗覺可觀

一縣治白沙平甲起至雲霄康壬止乃過州必經之旱道凡官府往來皆取路旁夫役沿途奔命苦累不堪自諸縣令加意撫循遇有差撥槩照羅旁事例給以現值民力稍蘇

一羅子小甲人烟寥落田土低窪西潦頻初日就凋敝舊有供億馬草之例愈增疲乏今槩革除凡官畜馬所需草束悉倩工人刈割其害乃寢

一城廂內外屠戶每宰民間之猪悉用加二大秤如司馬秤一百斤僅得八十斤名曰藏官

西華縣志 卷之三
三三
秤蓋以文武衙門俱用官價買肉故屠戶卽以官之所短者取償於賣猪之家寧邑農民多畜猪以完田糧更有鰥寡孤獨籍此爲終歲計者短價殊覺可憫亦經歷來禁革
一縣治內河自下城橋起至羅旁口止每年西潦漲入附近貧民多駕竹筏張巨罾沿河捕鱼以資生計向被一二奸民冒承水面河稅一罾入捕必議租值跡類私抽以致貧民裹足殊堪痛恨今將河稅開除故魚鱉之利民

得共之

一寧邑山多田少樹木叢滋民無可耕者多以砍柴爲業兼去其陰翳俾利田間之稼也故有穀之家會集鄉鄰中無耕之子砍柴貨賣此藉完糧彼藉日給誠爲兩便非如他州設廠招工携本克商者比從前各憲照例查報工丁而武弁雜戕衙門亦以窩藏奸反爲題差役紛紛需索鄉人畏憚遂多失業邇年以來邑令力爲詳請乃得上通其意而滋擾稍

息蓋寧地百貨不生止有火柴薄產若併而
禁之則民生愈窘矣所望於存恤者豈淺解
哉

論曰治無大小休養為先王政多端非特
務農已也寧以彈丸荒邑物產無資若有
限之民力曾不得去其害而因其利其何
以叨居民牧而謝子惠元元之責乎董子
曰務其大而不遺其小政之所以無疵也
蓋滋一弊最易去一弊最難端有望於後

之君子李玉鉉附志